



Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 21. Deditio*n*is pacta a Solimano Equitibus proposita.

[urn:nbn:de:hbz:466:1-66495](#)

Sæcol. XVI. tantesque grandioris plumbi globos;
A.C. 1522. quippe Rhodienses, cum sola desperatio
 eorum audaciam acueret, in Turcas to-
 to impetu effusi collato pede dimica-
 bant, æquato utrinque decore ac dispen-
 dio, nisi quod opportune nubes in
 tam copiosum effunderentur nimbum,
 ut repentinus torrentum affluxus ter-
 ram, quæ oppugnantium fossas tegebat,
 secum abriperet, quo facto Christiani
 barbaros ingenti cæde prosternebant,
 omnesque, qui tormentorum rabiem
 effugerant, præcipiti pedum studio ob-
 fidionales fossas, castraque peterent, eo-
 rum Belliducibus nequicquam minis
 fugam cohibere nitentibus.

§. XXI.

*Deditio[n]is pac[ie] a Solimano Equiti-
bus proposita.*

*Jac. Bosius
hist. Hospit.
tom. 2. l. 18.
19. 20.*

Solimanus primam victoriæ fiduciam
 tam sinistro successu eludi indigna-
 tus, per plures dies suo tentorio inclu-
 sum sese tenebat, nemine ad alloquium
 admisso; tandem vero resumpto spiritu
 Piri Baschæ consiliis faciliores præbe-
 bat aures. Hic ei auctor erat, ut Ma-
Jac. Font. in gnum Magistrum ad ditionem sub
hist. obsid. clementiæ obtentu invitaret. Ergo Pi-
Rhod. apud Bzovium hoc rus plures in urbem epistolas Turcarum
anno n. 12. Imperatoris nomine scriptas immisit,
 quibus

quibus incolas ad spontaneam deditio- Sæcul. XVI.
nem adhortabatur: imo non multo post A.C. 1522.
Genuensem quemdam, nomine Hiero-
nymum Monilam ablegavit, qui eadem
Rhodiis suaderet, moneretque, ut extre-
ma, quæ ipsis jamjam imminerent, mala
a se averterent. Ast cum supremus Or-
dinis Magister ejusmodi propositiones
respueret, Genuensis quantocius ad Tur-
carum castra remittebatur, rediit ta-
men biduo post, inquiens, quod literas
a Solimano datas deferret, verum mi-
noris sclopi ictibus repellebatur, eo-
demque modo excipiebatur quidam Al-
banensis, qui eadem nunciatum adve-
nerat. Nec tamen suo successu carue-
re ejusmodi literæ, ac frequentes lega-
tiones; incolæ enim palam contestaban-
tur, se solos, cum de salute sua, sua-
rumque conjugum, ac prolium agere-
tur, exclusis Equitibus cum Solimano
concordiam inituros, si Magnus Magi-
ster pro se pacis conditiones recusatu-
rus esset. Dein Episcopum supplices
adibant, ut Magistro exponeret, quod
idem, nisi brevi cum Sultano deditio-
nenm pacisceretur, Ottomanici furoris
victima foret, suisque oculis non sine
ingenti animi sui mærore Ecclesias pro-
fanari, sacras Reliquias conculcari, nec
non uxorum ac Virginum pudicitiam
militum insolentiae exponi cerneret.

P 5 Magi-

Sæc. XVI. Magister iteratis suorum precibus ultra
A G 1522. resistendo impar, consilio habito incolarum postulata proposuit, omnesque, qui præcipuas urbis stationes propugnabant, in Senatu adesse jussit, ut ab ipsis genuinum obsidionis statum edoceretur. Hi palam testabantur, quod hostis obsidionales fossas jam jam ad ducentos passus quoad longitudinem protenderit, quoad latitudinem vero ad septuaginta intra urbem eas dilataverit, cum interim ipsis desint operarii, ac exercitatores milites fuerint occisi, ut proin urbs ultra oppugnantium impetus sustinere haud posset, nisi promptum submitteretur auxilium. His perceptis ex Senatu potissimi in eam abiere sententiam, propositas ab hoste conditiones esse admittendas. Ægre Magnus Magister huic consilio cessit, Turcarum fidem sibi suspectam esse causatus: Cum vero hæc utrinque altercatio ferveret, deferuntur ad eum literæ, quibus Solimanus Magistrum ad dedicationem provocavit, eique honestas conditiones proposuit, adjectis tamen minis, se omnia promiscuo interitu vastaturum, si urbem vi occupare compelleretur. Perlecta hac epistola sanctior Senatus necnon excrcitus Dux paſta cum Turcis inire satius ducebant; qua propter Antonius Pasix, & Robertus Piruzzi

Piruzzi tanquam Legati ad Solimanum Sæcul. XVI.
decernuntur, qui ad Achmetis tentoria A.C. 1522.
admissi, juncta cum eo opera deditio-
nibus conditiones, quæ rebus undique despe-
ratis sat proficuae erant, confecerunt.

Præcipui deditio-
nis articuli erant.
I. Ecclesiæ nec profanentur, nec diri-
piantur. II. Christianis tam Latini
quam Græci ritus Religionis libertas
concedatur. III. Non imponatur tri-
buti nomine Christianis onus, ut eorum
filii Janissaris adscribantur. IV. Cun-
ctis incolis per quinquennium a tribu-
tis, omnisque generis oneribus immu-
nitas tribuatur. V. Cunctis, qui abire
volunt, liberum sit per integrum bien-
nium omnem secum suppellectilem sine
impedimento deferre. VI. Solimanus
Imperator naves ad Equites, & Ordinis
Ministros in Cretam Insulam trans-
vehendos, sub valido præsidio necessa-
rias commodet. VII. Abeuntibus duo-
decim dierum mora a tempore pa-
tionis firmatæ concedatur, ut suam
suppellectilem, Sanctorum Reliquias,
vasa sacra, ornamenta, bona, & archi-
va, necnon tormenta, quibus alias tri-
remes instruere solent, secum sumere
valeant. VIII. Elapsis duodecim die-
bus, urbs educto milite Christiano cum
omnibus villis ac arcibus circum positis
Solimano tradatur, atque ad capien-
dam

Sæc. XVI. dam urbis possessionem nonnisi quatuor
A.C. 1522. Janissarorum millia introducantur. Præ-
terea ne cui contumelia vel injuria
inferretur, Turcarum exercitus ab urbe
mille circiter passus recedat. IX. De-
nique in datæ fidei pignus Magnus Ma-
gister viginti quinque Equites Solima-
no obsides tradat, quos inter duo sint
magnæ Crucis Equites, præter viginti
quinque ex præcipuis urbis civibus.

§. XXII.

*Janissarorum Dux cum copiis suis
urbem ingressus.*

Jacq. de
Bourbon.
p. 681.

His pactionibus die vigesima Decem-
bris utrinque firmatis obsides pro-
missi ad Turcarum castra pervenerunt,
eodemque tempore summus prætoria-
næ militiæ Dux, quem Janissarorum A-
gam vocant, cum militum centuria ur-
bem ingressus, illius possessionem cepit.
Quinta post signatas conditiones die
quidam Janissari Rhodum ingressi, suos-
que socios visuri, quasdam domus ex-
pilabant, ac aliqua ex iis, quæ in na-
ves portabantur, diripiebant; necnon
potissima Christianorum templo ingressi
ea profanabant, quinimo in Equitum
valetudinarium involantes convivalia
ex argento vasa aufferebant; verum
conquerente desuper Magno Magistro
Achme-